

INUIT ATAQATIGIIT

INATSISARTUNI



21. august 2015

UKA 2015/44

Inatsisartut suleriaasiat § 33 najoqqutaralugu Inatsisartut aalajangiiffigisassaatur siunnersuut maanna saqqummiupara:

Kalaallit Nunaani kræftimik eqqugaasunut sungiusaqqittarfimmik pilersitsinissamut siunnerfilinnik iliuusissanik pilersarusiornissaanik Naalakkersuisut kingusinnerpaamik UPA16-imi peqquneqarnissaanik siunnersuut.
(Inatsisartunut ilaasorta, Agathe Fontain, Inuit Ataqatigiit)

Tungavilersuut:

Kræftimik nappaateqartut annertuumik sungiusarneqaqqinnissamik pisariaqartitsisarput amerlaqisut ajornartorsiuteqartarmata tamatumani kræftimik nappaateqarsimanerup kingorna katsorsarneqarsimanerup kingorna sungiusarneqaqqinnissamik pisariaqartitsineq annertusarmat.

Amerlasuut isumaqartarput kemo/qinnguartaartinneqarnerilu kingorna, taava nalinginnaasumik inooqqilernissamik piareersimalertartut. Tamattali assigiinngitsuuvugut assigiinngitsorpassuarnik napparsimanermik ingerlaarfeqarsimalluta assigiinngitsorujussuarmik aqquusaagaqarfiusut.

Katsorsartinnerup nalaani paasissutissarpasuarnik tunineqarneq ingerlanneqartarpoq, tamatigulli paasissutissat amerlasuut ataatsikkut inuttut tigonissai piareersimaffigineqartuaannarneq ajorpoq, eqqarsaatigisammi isumagisassat eqqarsaatissallu allarpasuarniit-tarmata.

Ilaqutaasut sapinngisamik ikiuunniartarput. Ikiorserneqarnerpiarli allat misigisamik assinganik misigisaqarsimasuniittarpoq.

Sungiusaqqittarfik inunnut kræftimik nappaateqartunut iluaqutaassaaq, sungiusaqqittarfimmeereermilu inuunermi nalillit pillugit aammalu peqqissusermik annertusaaffiusussanik ilisimasaqalissallutik.

Sungiusarneqarnermik pitsaasumik aqquusaagaqareermi sukkanerusumik katsorneqarnerit kingunerisaanik qaangiisernerit anguneqassapput, inuiaqatigiinnilu peqataaqqilersinnaanerit piaarnerusumik anguneqarsinnaallutik.

Pisortaqaqfinnut aningaasaqarnikkut allaffissornikkullu kingunissat

Sungiusaqqittarfik iliuusissat pilersaarutininik suliaqarnissani aningaasaqarnikkut allaffissornikkullu kinguneqassaaq. Ukioq ataaseq ukiullu affaata aappaa sinnernagu AC-mik suliasat iliuusissat pilersaarutip suliarineqarnera ingerlanneqarnissaa naatsorsuutigineqarpoq.

Aningaasaqarnikkut allaffissornikkullu inuusutissarsiortunut namminersortunut kingunissai

Soqanngilaq

Aningaasaqarnikkut allaffissornikkullu innuttaasunut kingunissai

Soqanngilaq